

BOSNA I HERCEGOVINA
FEDERACIJA BiH
KANTON SARAJEVO
OPĆINA ILIJAŠ
OPĆINSKO VIJEĆE
Stručna služba vijeća i
općinskog načelnika
Broj:01/1-02-1208/13.
Ilijaš, 27.06.2013.godine

PRIJEDLOG

Z A P I S N I K

sa 9.(DEVETE) sjednice Općinskog vijeća Ilijaš održane dana 27.06.2013.godine

Sjednicom je predsjedavao zamjenik predsjedavajućeg OV-a g-din Mahir Dević koji je konstatovao da sjednici prisustvuju 23 vijećnika.

| RB. | IME I PREZIME |
|------------|-----------------------------|
| | SDA |
| 1 | MAHIR DEVIĆ |
| 2 | NEDIM MATORUGA |
| 3 | SAUDIN DURMIĆ |
| 4 | HALID DIZDAREVIĆ |
| 5 | - |
| 6 | MUAMER DERVIŠEVIĆ |
| 7 | FAHIR HASANOVIĆ |
| 8 | RASIM ŠEHIĆ |
| 9 | - |
| | SDP |
| 10 | ALAN ŠERAK |
| 11 | MARIONETA ILIĆ-JURETA |
| 12 | DAMIR FILIPOVIĆ |
| 13 | SELVER HERIĆ |
| | SBB |
| 14 | ADEM EFENDIĆ |
| 15 | NIJAZ MAŠIĆ |
| 16 | SEAD ŠEHIĆ |
| 17 | AKIF BEŠLIJA |
| | SAMOSTALNI VIJEĆNICI |
| 18 | EDHEM HASANOVIĆ |
| 19 | ASIM MUJIĆ |
| | STRANKA ZA SREDNJE |
| 20 | BESIM GLJIVA |
| 21 | AIDA MALIŠEVIĆ |
| | LDS |
| 22 | NIJAZ RASTODER |
| 23 | NIHAD BUČUK |

| | |
|----|-----------------|
| | BPS |
| 24 | MUHAMED HANDŽIĆ |
| | SDU |
| 25 | DIZDAREVIĆ ENES |

Odsutni vijećnici:

1. Amar Dovadžija
2. Selma Pušina.

Prisutni gosti:

1. Nermina Durić-Kahvedžić - Radio Ilijaš
2. Šemso Jusić – MZ Podlugovi
3. Mehmed Smajlović – MZ Mrakovo
4. Dževad Alispahić – MZ Ljubnići
5. Denis Dilberović – MZ Dragoradi
6. Saudin Mešetović – direktor JKP "Vodostan" Ilijaš
7. TV Vogošća.

Ostali prisutni:

1. Akif Fazlić – općinski načelnik
2. Zdravko Barić – pomoćnik načelnika
3. Nijaz Spahić – pomoćnik načelnika
4. Sanja Zagorac-Jozić – pomoćnik načelnika
5. Meliha Avdibegović – pomoćnik načelnika
6. Merima Osmanović – pomoćnik načelnika
7. Hamida Muratović – šef odsjeka
8. Muvedeta Fazlić – šef odsjeka
9. Sadik Alić – komunalni inspektor.

Zamjenik predsjedavajućeg Mahir Dević je otvorio sjednici i pročitao predloženi dnevni red. Prije usvajanja dnevnog reda dao je na razmatranje zapisnik sa 8. sjednice OV-a.

Za riječ se javio Adem Efendić i kazao da ima primjedbu na zapisnik sa 8.sjednice, jer nije navedeno njegovo vijećničko pitanje vezano za antene na objektu JKP "Vodostan" na Karašnici.

Primjedbi na zapisnik više nije bilo, pa je OV-e, uz navedenu primjedbu, jednoglasno usvojilo zapisnik sa 8.sjednice OV-a.

Obzirom da nije bilo primjedbi na predloženi dnevni red, OV-e je jednoglasno usvojilo slijedeći

DNEVNI RED:

1. Vijećnička pitanja i inicijative
2. Izvještaj o realizaciji zaključaka sa 8. sjednice OV-a
3. Prijedlog Odluke o snabdijevanju vodom za piće u vrijeme otežanog snabdijevanja,

odnosno snabdijevanja uz ograničenje potrošnje (redukciju)

4. Prijedlog Odluke o davanju saglasnosti za zaključenje Ugovora o zakupu poslovnog prostora koji se nalazi u objektu "Ambulanta sa prostorijama Mjesne zajednice Mrakovo"

5. Prijedlog Odluke o jedinstvenom matičnom području

6. Prijedlog Odluke o prodaji jednoiposobnog stana u ul.126.Ilijaške brigade br.3 u Ilijašu

7. Prijedlog Odluke o prodaji garaže u ul.126.Ilijaške brigade br.10 u Ilijašu

8. Prijedlog Rješenja o formiranju Popisne komisije općine Ilijaš za popis stanovništva, domaćinstava i stanova u BiH 2013.godine

9.Prijedlog rješenja iz imovinsko-pravne oblasti broj: 06/1-31-1082/13

10. Informacija o provođenju Zakona o matičnim knjigama

11. Informacija o javnom prijevozu na području općine Ilijaš.

AD-1

Vijećnička pitanja i inicijative

SEAD ŠEHIĆ – vijećnik SBB-a

Pitanje:

1. Postavljam pitanje nadležnoj općinskoj službi da li kafana koja se nalazi u prostorijama koje su u sklopu Gradskog stadiona Ilijaš ima dozvolu da toči i prodaje alkoholna pića ? Ako ima, ko je to odobrio ? Je li to odobrila uprava fudbalskog kluba, neko iz nadležne općinske službe ili vlasnik kafane samovoljno ? Da li bilo ko vodi brigu o tome ?

Obrazloženje: Naime, stadioni su uvijek bili mjesta gdje su se okupljali sportisti, mladi ljudi i rekreativci. Smatram da je to jedino mjesto gdje djeca i omladina mogu da odu, a da im za vratom ne vise iz kafane mrtvi pijani ljudi, koji sebi daju za pravo da prostače i dobacuju čak i maloljetnim djevojčicama.

Inicijativa:

1. Shodno navedenom pitanju, gospodine načelnice tražim od Vas kao prvog čovjeka lokalne zajednice da ovo sve presijete i da stadion bude arena sporta, a ne neka šoferska birtija.

NEDIM MATORUGA – vijećnik SDA

Inicijativa:

1. Pokrećem inicijativu da se konačno riješi pitanje uzurpacije dijela puta u MZ Mrakovo, a u skladu sa rješenjem broj: 06-31-631/08 od 01.10.2012.godine.

Obrazloženje: Od 2008.godine vodi se postupak po ovom predmetu, pri čemu je mjesnoj zajednici onemogućeno da pokrene bilo kakvu rekonstrukciju navedenog puta radi neriješenih imovinsko-pravnih poslova.

Pitanje:

1. Šta je općinska služba nadležna za postupanje po gore navedenom rješenju uradila na implementaciji istog, imajući u vidu da je proteklo 9 (devet) mjeseci od njegovog donošenja?

NIJAZ RASTODER – vijećnik LDS-a

Pitanja:

1. Kada će biti dislociran animalni otpad nastao prilikom zakopavanja uginulih ovaca na području Gornjih Malešića? Mi dobro znamo da je taj otpad zagadio sva izvorišta vode na tom području sa kojih se snadbijeva veći broj stanovništva?
2. Kada će biti izvršena rekonstrukcija niskonaponske mreže u Gornjim Malešićima? Trebala je biti urađena još daleke 2009/10./ 11./12. godine, pa evo dođe i 2013. godina, a još ništa od rekonstrukcije, a gore ima više od deset objekata pod krovovima.

AIDA MALIŠEVIĆ – vijećnica Stranke za Srednje

Pitanja:

1. Koliko je slučajeva pomogao Crveni križ u 2012./2013. godini na području Srednjeg i okolnih sela? Molim da se navede imenom i prezimenom i koja vrsta pomoći?
2. Koliko ima registrovanih, odnosno prijavljenih socijalnih slučajeva na području Srednjeg i okolnih sela u 2012./2013. godini?

Koliko slučajeva su obišli radnici Službe za socijalni rad (navesti ime i prezime)?

BESIM GLJIVA – vijećnik Stranke za Srednje

Inicijative:

1. Da se uputi nadležna inspekcija (veterinarsko-tržna) na lokalitet Podlipnica na mjesto gdje je nekada bila osnovna škola i gdje su izvorišta vode. Naime, na tom prostoru NN lice vrši ispašu i smještaj nekoliko stotina ovaca u totalno ne adekvatnim uslovima i svojim odnosom je totalno narušio sveukupan ambijent na tom prostoru i prijetnja da se zagade izvorišta vode.
2. Da nadležna općinska služba uputi svoje službenike ili iznađe neki drugi način kako bi se utvrdilo kolika su to sredstva potrebna kako bi se napokon riješio problem porodice Žigić Mirsada koja živi sa dvoje maloljetne djece bez vode i struje već 12 godina. Porocia iz Holandije želi da finansira gore navedeno, ali je neophodno sačiniti predračun radova.
3. Pošto se ove godine tradicionalna "Čevljanska korida" održava 10. i 11. avgusta i ista je pomjerena zbog nadolazećeg mjeseca Ramazana, molim Vas da uputite dopis firmi "Citar-produkt" ili Direkciji za ceste Kantona Sarajevo da na vrijeme (prije na 10 dana) izvrši košenje trave oko puta na relaciji D.Čevljanovići-Vrutci-Dragoradi zbog povećane frekvencije saobraćaja na tom dijelu puta.
4. Da se iznađe način rješavanja prevoza na liniji Dragoradi-Vrutci-Sarajevo u vrijeme kada nije na snazi ugovor o prevozu đaka. Neophodno bi bilo da se uvede bar jedna minibuska linija u ovom periodu koja bi polazila iz Dragorada u 10h i vraćala putnike u 20h naveče.

MARIONETA ILIĆ-JURETA – vijećnik SDP-a

Inicijativa:

1. Da u svim javnim ustanovama oficijelni pozdrav bude "DOBAR DAN" i da se na njega odgovara normalnim tonom, jer je ovo država tri konstitutivna naroda i niko ne treba da se osjeća kao manjina niti ugrožen u bilo kojem smislu.

ADEM EFENIĆ – vijećnik SBB-a

Ne mogu biti ravnodušan na ovo što je kolegica Marioneta iznijela vezano za pozdrav. Ja sam jedan od onih koji naziva selam. To moje pravo ne može niko uskratiti. Ako ovdje to izglasamo, ja ću se pridržavati. Ne bih se složio sa kolegicom da je neko ugrožen ovdje ili ondje. Ja u Kiseljaku imam prijatelja i poslovnih ljudi kojima nazivam dobar dan i ne osjećam se ugroženo. Takođe i u Srebrenicu odlazim vrlo često i uopšte se ne osjećam ugroženo bez obzira šta je urađeno u periodu 1992-1995.godina, a nazivam dobar dan, dobro veče itd. i družim se sa tim ljudima. Molim Vas, ja sam jedan od onih koji naziva selam i nazivat ću i nemojte da Vam to smeta, niti želim da Vas povrijedim sa ovim pozdravom. Mene je moja vjera učila da pozdrav činim prvi drugoj etničkoj skupini. Ja se prvo sa pozdravom dobar dan obratim, pa onda selamom, iako su pozdravi i jedan i drugi.

HALID DIZDAREVIĆ – vijećnik SDA

Inicijativa:

1. Pokrećem inicijativu da se u MZ Kadarići riješi problem nelegalne prodaje uglja kod mosta u Kadarićima, gdje se vrši uništavanje lokalnog puta, ometa preglednost prelaska preko mosta, što može dovesti do udesa.
Molim da obavjestite nadležne organe u cilju rješavanja ovog problema.

AD-2

Izveštaj o realizaciji zaključaka sa 8.sjednice OV-a

Mahir Dević – kada je u pitanju prvi zaključak, a vezan za Kolegij OV-a da u saradnji sa općinskim načelnikom i nadležnim službama organizira sastanak vezano za problematiku zdravstvene zaštite na području općine Ilijaš, koristim priliku da Vas informišem da je sastanak u organizaciji načelnika, direktorice DZ, direktora RJ DZ Ilijaš i članova Kolegija OV-a održan, iznijeti su svi problemi, a prije svega nedostatak kadrova i dobili smo obećanje direktorice da će u što skorije vrijeme angažovati tri doktora porodične medicine, dok se ostale kolege vrate sa porodijskog odsustva ili dok završe pripravnčki staž. Razgovarali smo o otvaranju objekta u Mrakovu i ostalim problemima koje ste svi iznijeli ovdje i dobili smo čvrsta obećanja da će to biti riješeno u narednom periodu. S tim u vezi na Kolegiju OV-a smo donijeli jednoglasan zaključak da sačekamo jedan određeni period, mislim 60 dana, dok se to ne riješi i ako se to ne riješi u tom periodu onda ćemo održati tematsku sjednicu.

Što se tiče drugog zaključka vezano za RP Podlugovi I i Podlugovi II, Zavod za planiranje vrši izmjene i korekciju RP u skladu sa zahtjevima i primjedbama privrednika tako da je u toku iscrtavanje tih karata i na narednoj sjednici će to biti pripremljeno.

Kada je u pitanju treći zaključak, dostavljen je Kantonalnoj upravi za šumarstvo.

Četvrti, peti i šesti zaključak su dostavljeni Kantonalnoj upravi za šumarstvo i KJP "Sarajevo-šume".

Diskutanata po ovoj tački dnevnog reda više nije bilo, pa je OV-e jednoglasno usvojilo

Izveštaj o realizaciji zaključaka sa 8.sjednice OV-a

AD-3

Prijedlog Odluke o snabdijevanju vodom za piće u vrijeme otežanog snabdijevanja, odnosno snabdijevanja uz ograničenje potrošnje (redukciju)

Sadik Alić (komunalni inspektor) – predlagač odluke je općinski načelnik, odnosno Služba za privredu i finansije, a ja sam je radio. Zakonski osnov za donošenje odluke sadržan je u članu 55. tačka 2. Statuta Općine Ilijaš ("Službene novine Kantona Sarajevo br.7/98; 9/01 i 17/04), članu 17. 19. i 20. Zakona o komunalnim djelatnostima (Službene novine Kantona Sarajevo " br. 31/04), te članu 88 i 91. Poslovnika Općinskog vijeća (Službene novine Kantona Sarajevo" br. 32/05). Ovom odlukom uređuje se snabdijevanje vodom za piće, utvrđuju obaveze davaoca komunalnih usluga, građana, pravnih i fizičkih lica u vrijeme otežanog snabdjevanja, odnosno snabdjevanja uz ograničenje potrošnje (redukciju), na području općine Ilijaš. U članu 1. je rečeno sve na što se odnosi ova odluka. Da bi odluka bila provedena, nadležna općinska služba je dužna da proglasi ograničeno snabdijevanja. Da bi to proglasila, JKP "Vodostan" mora dostaviti relevantne činjenice da je takvo snabdijevanje moguće uvesti.

U odluci se regulišu odnosi između davaoca komunalnih usluga, korisnika komunalnih usluga i nadležne službe. Da bi se postupalo u skladu sa ovom odlukom neophodno je da preduzeće uradi plan redukcije – ograničenog snabdijevanja vodom, taj plan dostavi nadležnoj službi i služba taj plan odobri koji se objavljuje u sredstvima javnog informisanja.

Alan Šerak – generalno, slažem se sa ovom odlukom dok Vlada Kantona Sarajevo ne donese odluku vezano za ovu oblast. Dobro su opisani odnosi između službe, davaoca usluga i korisnika. Ono što me zanima jeste, služba koja je nadležna, zašto je to Služba za privredu, finansije i investicije. Zar nije logično da se ovim pitanjima bavimo resorno, jer imamo Službu za stambeno-komunalne poslove što i jeste njen resor.

Muhamed Handžić – ova odluka u cjelosti se ne može prihvatiti ovakva kakva jeste. Imam pitanje za predlagača – pod tačkom I) je navedeno "organizuje redarsku službu u cilju spriječavanja neracionalne potrošnje vode za piće u vrijeme otežanog snabdjevanja odnosno snabdjevanja uz ograničenu potrošnju (redukciju)". Do sada je bila praksa da u vrijeme redukcije se isključuju sva urbana naselja (npr.Luka, Lješevo, Ljubnići itd.). Pitam direktora ili predlagača šta se može uraditi na urednom snabdijevanju vodom onih dijelova naseljenih mjesta koja ne zloupotrebljavaju vodu. Naime, jedan dio naselja vrši neprekidno zalijevanja bašta, pranje automobila, a drugi dio se domaćinski odnosi prema vodi, a onda se isključuje voda i jednom i drugom naselju, što znači da se kažnjavaju i ovi ljudi koji se domaćinski ponašaju prema vodi. Ja znam da snabdijevanje električnom energijom se koristi za svako naselje putem ulaznog sata. Ukoliko ima krađe struje, onda oni znaju da se tu desila krađa. Zbog čega ne možemo to isto napraviti sa vodom ? Znači, treba preduzeti mjere da zaštitimo ovaj energent, da zaštitimo savjesne građane od redukcija vode. Ne može se organizovati redarska služba, jer ne može npr. po noći redar ići i provjeravati da li neko zalijeva baštu.

Saudin Durmić – prije dvije sjednice smo donijeli zaključak kojim smo zadužili upravu preduzeća i menadžment da sačine pravilnik, a na prošloj sjednici u izveštaju o realizaciji zaključaka smo dobili odgovor da im je bilo malo vremena i da će to predložiti za ovu

sjednicu. Kao predlagača ja ovdje ne vidim preduzeće i nepotrebno je da se problem prebacuje na nadležnu općinsku službu. U odluci se pominju vodomjeri, vlasnici vodomjera, a paušalaca nema nigdje.

Što se tiče sugestije Muhameda Handžić, mislim da uprava i menadžment treba da razmisle o sistemu kao u elektroprivredi kako bi se vršila kontrola potrošnje vode. To iziskuje finansijska sredstva, ali o tome treba razmišljati.

Takođe mislim da bi ovu odluku trebalo doraditi.

Nijaz Mašić – predlažem zaključak onom ko bi trebao praviti plan redukcije iz razloga što redukcija nije ravnomjerna gdje se može primjeniti. Dakle, u plan redukcije da se uključe predstavnici mjesnih zajednica tamo gdje će se vršiti redukcija. Godinama je u Mrakovu u jednom dijelu bila redukcija, u Ljubničima nije bilo vode, a u nekim naseljima nikada nije bilo redukcije. Naravno, treba se pridržavati prioriteta.

Znači, da donesemo zaključak da se prilikom izrade plana redukcija uključe predstavnici mjesnih zajednica. Inspekcije i druge nadležne službe će pratiti realizaciju.

Nedim Matoruga – imali smo par prijedloga za rješavanje ove problematike i smatram da ova odluka u kojem je predložena jeste dobra, ali ne rješava problem. Prijedlog kolege Handžića na koji se nadovezao Saudin Durmić nije primjenjiv i nije korektan. Ako ja kao individua, kao potrošač, racionalno koristim vodu i zašto da budem kažnjen ako moj komšija zalijeva baštu. Dakle, samo po sebi nameće se rješenje u smislu vodomjera kod 100% potrošača. Dakle, neophodno je da svi potrošači imaju vodomjer i da svi odgovoraju za ono što rade. Treba razmišljati i o rješenju limita na potrošnju. Znači, onaj ko troši više od tog limita da mu cijena bude višestruko veća. U tim smislu da nešto vidimo, ali uslov za primjenu ovog načina jeste da svi imaju vodomjere. Još jednom bih apelirao na preduzeće i na nas sviju, da se utvdi koliko ima velikih potrošača - pravnih subjekata koji nisu izmirili svoje obaveze i da se oni isključe sa vodovodne mreže.

Prijedlog je da idemo u tom smjeru da vidimo da li je ovo rješivo na način da se nabave vodomjeri, da vidimo kolika su to sredstva i možda kreditno zadužiti preduzeće da se nabave vodomjeri i da svaki građanin odgovara za svoju potrošnju lično.

Muhamed Handžić – žao mi je kolega Nedime što me ne razumijete. Upravo ono o čemu ste Vi govorili ja sam iznio za govornicom. Nisam rekao da se ljudima isključuje voda nego kažem da treba staviti pod kontrolu trošenje vode. Na koji način, predložio sam ovdje. Znači da se to riješi kao i kod elektroinženjeringa. Znači, kada se postave ulazni satovi, onda će biti spriječena i krađa vode.

Nijaz Rastoder – da li je u izradi ove odluke učestvovao i preduzeće JKP "Vodostan"? Drugo, ne znam da li je ikada firma "Vodostan" popisala nelegalne potrošače i njih treba uvesti u sistem i mislim da je tu najveći problem koji treba riješiti.

Alan Šerak – izneseno je dosta dobrih prijedloga, ali moramo znati šta su naše nadležnosti, a šta nadležnosti viših nivoa vlasti. Kada je u pitanju formiranje cijene za komunalne usluge, to je isključiva nadležnost Skupštine Kantona Sarajevo. Ono što je Nedim govorio, radilo se nešto na tome, da se ide sa limitiranom potrošnjom vodom, a preko bi se plaćalo po određenoj cijeni. Međutim, mi tu ne možemo ništa, ali možemo donijeti zaključak da se nastave aktivnosti u tom pravcu.

Akif Fazlić (općinski načelnik) – kada je u pitanju ko je trebao biti predlagač ove odluke, ja sam predložio da resorna općinska služba zajedno sa JKP "Vodostan" napravi jedan akt.

Vodostan je napravio akt koji je prosljeđen nadležnoj službi, ali mi nismo bili zadovoljni tim prijedlogom, tako da je služba uradila ovaj prijedlog odluke. Ovdje je bitna suština odluke koja uvodi osnivača u poziciju da on diktira politiku vodosnadbijevanja, a ne javno preduzeće i to je suštinska stvar koju danas želimo postići. Znači, politiku vodosnadbijevanja će određivati Općinsko vijeće, općinske službe, a realizirat će javno komunalno preduzeće i tako je i koncipirana ova odluka. Takođe, ova odluka nije imala za cilj da tretira stvari u redovnom sistemu vodosnadbijevanja. To je već difinisano zakonima i propisima i to treba da vrši javno komunalno preduzeće, jer to mu je djelatnost. Prema tome, pitanje potrošnje vode koje nije u skladu sa propisima, pitanje ne plaćanja vode, pitanja postojanja-nepostojanja vodomjera je redovna stvar koja uopšte ne bi trebala da utiče na pitanje kada dođemo u složenu situaciju, vanredne uslove, a vanredni uslovi podrazumjevaju suše i za taj period želimo da damo mjere.

Ono što je govorio i Alan Šerak i ja mislim da se trebamo zadržati u okviru koje ima kanton, da su i građani Ilijaša u okviru toga, a potencirati stvar isključivanja vode.

Saudin Mešetović (direktor JKP "Vodostan") – načelnik je kazao kako se došlo do ovog prijedloga odluke koja je urađena profesionalno i na bazi zakonskih propisa.

Imam dvije primjedbe koje ću kasnije pomenuti, ali želim nešto uopšteno reći o vodosnadbijevanju.

Mi deset mjeseci nemamo problema sa vodom, nego sa viškom vode, posebno u zimskom periodu. U redukciju smo ušli sa punim bazenom, imamo i kontrolne vodomjere i podstanicu.

Što se tiče odluke, predlažem da se u članu 5. stavke l) i m) brišu.

U članu 9. (kada je u pitanju nenadani kvar) da se naglasi da u toj situaciji nisam u obavezi da obavještavam.

Mahir Dević – naglasio je da predlagač prihvata drugu primjedbu, ali prvu ne.

Sadik Alić (komunalni inspektor) – načelnik je sve odgovorio, ali ne prihvatom primjedbu direktora da ne treba uvesti redarsku službu. To je trebao predvidjeti pravilnikom i do sada su redari trebali pomagati inspektoru. Kada redari budu prešli u nadležnost inspektorata i to je stvar budućnosti, a preduzeće je obavezno po zakonu i po ovoj odluci sve sisteme i da spriječi krađu.

Kada je u pitanju iznenadan kvar, zna se šta se mora isključiti, a odluka tretira planirano ograničenje potrošnje.

Nedim Matoruga – na tragu onog što sam maloprije govorio, a nisam bio informisan da mi kao osnivači ne možemo definisati cijenu vode, ali logično da ne možemo jer je u pitanju komunalna djelatnost. Međutim, i dalje insisitram na individualnoj odgovornosti, dakle na satovima i načinu utvrđivanja individualne odgovornosti, a ne kažnjavanja kolektiva. Ja sam dobro shvatio kolega Handžiću vašu repliku na moje izlaganje, problem je sa satovima. Npr. Vi kažete Luka puno troši, hajde da isključimo Luku, ali ne troše svi puno i na to se svela moja diskusija. Naravno, dobro je da imaju podstanice da se utvrde kvarovi. Ono što sam htio je da razmotrimo individualnu odgovornost u smislu, ako ne možemo podići cijenu za prekomjernu potrošnju, možemo naložiti eventualne sankcije u slučaju kršenja odluke. To je neki vid vanredne okolnosti, nalažu se vanredne mjere i mislim da Općinsko vijeće ima mandat da u slučaju utvrđivanja kršenja ove odluke može naložiti sankcije, zato ima i redare. Jedna od sankcija je isključenje vode, a možemo razmisliti i o finansijskim sankcijama. Ukoliko redari utvrde da neko krši odluku, da se pravi nalog i podnosi izvještaj i na kraju da se sredstva usmjere u općinski budžet. Ne znam da li imamo nadležnost za

to, pa ukoliko je moguće da se ovo prokomentariše.

Sadik Alić (komunalni inspektor) – naš je vodovod samostalan, nije u sistemu kantonalnog vodovoda i Općinsko vijeće ima nadležnost da utvrdi cijenu vode. To piše u zakonu. Međutim, do sada to nije bila praksa da cijena vode bude veća od kantonalne.

Rasim Šehić – najveći problem su oni koji paušalno plaćaju vodu. Predlažem zaključak da se JKP "Vodostan" naloži da svaki potrošač mora imati vodomjer.

Sadik Alić – vodomjer je obaveza vlasnika građevine. Ukoliko nema vodomjera, preduzeće može isključiti tog potrošača. To što neko neće ili ne želi ili nema paušalnih potrošača, to je druga stvar, a to je sve zakonom predviđeno.

Saudin Meštović – u ovoj situaciji ne može se biti pravično. Dosta je bilo pitanje zašto gradu ne uvede redukcija. Možemo to uraditi, ali ćemo izaći sa nikakvom akumulacijom, zatim kada pustimo vodu gradu, kroz tri sata niko neće imati vodu zato što moramo vodu zadržati za kontaktno vrijeme, jer to postupak dezinfekcije zahtjeva.

Mahir Dević – pozivam načelnika da malo usmjeri diskusiju u pravcu tako da odluku ne mijesamo sa konkretnim problemima preduzeća.

Akif Fazlić (općinski načelnik) – kao prvo, predlažem da se ne upuštamo u neku priču, obzirom da smo osnivači javnog komunalnog preduzeća i imamo nadležnosti da donosimo određene akte koji jesu iz pravno-zakonodavnog okvira kantona. Drugo, iskustva jesu pokazala da imamo određena nezadovoljstva građana kada su u pitanju redukcije i to nas tjera da taj sistem stavimo pod kontrolu i to jeste suština ove odluke da javno preduzeće bude pod kontrolom u smislu donošenja planova redukcije, ali to i tjera preduzeće da se tehnološki pripremi da može provoditi jedan pravičniji program redukcije, a ne da nam se danas samo obrazloži grad mora imati vodu, a vi ostali gledajte šta ćete.

Suština je da ne smijemo dozvoliti da nam kontrolisani sistem potrošnje vode dovodi do redukcije. Do redukcije treba da dovede samo situacija kada nema dovoljno vode na izvorštima. To je redovan rad preduzeća i to je smisao ove odluke.

Ono što je bila primjedba da se kvar ne najavljuje, ne znam da li to negdje piše, on se ne može najaviti i to prihvatamo, a sve ostalo predlažem da ostane onako kako je predloženo.

Uslijedila je kratka pauza.

Adem Efendić – KV SBB-a će podržati ovu odluku iako smo u startu bili malo zbunjeni odnosom predstavnika JKP i općinskog načelnika i službe, ali nakon obrazloženja načelnika jasnije nam je. Uz ovu odluku bi trebalo donijeti zaključak, a vezano za ono što je Nijaz Mašić predložio da se kod redukcija uključe predstavnici mjesnih zajednica.

Mahir Dević – ne vjerujem da je neko protiv predstavnika mjesnih zajednica, ali neka se načelnik očituje prema ovom prijedlogu.

Akif Fazlić (općinski načelnik) – u članu 4. pod d) dodati "u saradnji sa predsjednicima savjeta mjesnih zajednica".

Mahir Dević – dao je na glasanje predloženu odluku uz navedeni amandman koji je

sastavni dio odluke.

OV-e je sa 15 glasova ZA, 7 uzdržanih i 1 protiv donijelo

Odluku o snabdijevanju vodom za piće u vrijeme otežanog snabdijevanja, odnosno snabdijevanja uz ograničenje potrošnje (redukciju)

AD-4

Prijedlog Odluke o davanju saglasnosti za zaključenje Ugovora o zakupu poslovnog prostora koji se nalazi u objektu "Ambulanta sa prostorijama Mjesne zajednice Mrakovo"

Diskutanata po ovoj tački dnevnog reda nije bilo, pa je OV-e jednoglasno donijelo

Odluku o davanju saglasnosti za zaključenje Ugovora o zakupu poslovnog prostora koji se nalazi u objektu "Ambulanta sa prostorijama Mjesne zajednice Mrakovo"

AD-5

Prijedlog Odluke o jedinstvenom matičnom području

Diskutanata po ovoj tački dnevnog reda nije bilo, pa je OV-e jednoglasno donijelo

Odluku o jedinstvenom matičnom području

AD-6

Prijedlog Odluke o prodaji jednoiposobnog stana u ul.126.Ilijaške brigade br.3 u Ilijašu

Adem Efendić – da li je stan prazan i je li korišten u zadnjih godinu dana ?

Mahir Dević – stan je prazan i nije korišten u zadnjih godinu dana.

Nijaz Rastoder – kada je u pitanju prodaja ja sam skeptičan. Čini mi se, kako je načelnik krenuo, da do kraja njegovog mandata se neće imati šta više prodati.

Mene interesuje, ne samo ovaj stan, nego svi stanovi vlasništvo općine. Pitam, da li smije bilo šta ostati općini na raspolaganju, i smijemo li imati socijalne stanove. Nemam ništa protiv prodaje garaže, ali kod ove odluke ću biti uzdržan.

Akif Fazlić – pitanje Nijaza Rastodera ima smisla, ali radi se o specifičnoj lokaciji stana. Stan je okrenut prema pješačkoj zoni i on treba da donese puno više efekata nego samo što je to stan. Što se tiče pitanja socijalnog zbrinjavanja, pravili smo stanove u Starom Ilijašu i sigurno da imamo potrebu i dalje za socijalnim stanovima, ali i po regulacionog planu i intencijama što treba da znači ovaj centar Ilijaša jesu poslovni prostori.

Generalno, moj stav na opasku da ćemo predlagati prodaju svega, želim reću da ću predlagati na prodaju sve ono što nije u funkciji, što stoji, propada i gubi vrijednost.

Diskutanata po ovoj tački dnevnog reda više nije bilo, pa je OV-e sa

22 glasa za i 1 uzdržanim donijelo

Odluku o prodaji jednoiposobnog stana u ul.126. Ilijaške brigade br. 3 u Ilijašu

AD-7

Prijedlog Odluke o prodaji garaže u ul.126. Ilijaške brigade br.10 u Ilijašu

Diskutanata po ovoj tački dnevnog reda nije bilo, pa je OV-e jednoglasno donijelo

Odluku o prodaji garaže u ul.126. Ilijaške brigade br.10 u Ilijašu

AD-8

Prijedlog Rješenja o formiranju Popisne komisije općine Ilijaš za popis stanovništva, domaćinstava i stanova u BiH 2013. godine

Nijaz Spahić – želim da se izvinem zbog tehničke greške koja je nastala prilikom slanja materijala za sjednicu, tako da ste dobili rješenje u kojem je pod rednim brojem 4. Rasim Šehić, a treba da stoji Goran Lukić.

Pravni osnov za donošenje ovog rješenja sadržan je u članu 26. Zakona o popisu stanovništva, domaćinstava i stanova u Bosni i Hercegovini 2013 godine, članu 55. Statuta općine Ilijaš – prečišćeni tekst ("Službene novine Kantona Sarajevo" broj: 20/09) i članu 99. Poslovnika o radu Općinskog vijeća Ilijaš ("Službene novine Kantona Sarajevo" broj 2/10).

U poglavlju 2. Procedura za izbor popisnih organa i osoblja koje će biti angažovano u popisu stanovništva, domaćinstava i stanova u BiH u 2013 godini predviđen je broj članova, etnička struktura, sastav i rokovi za provođenje svih radnji tokom predpopisnih i aktivnosti u vrijeme trajanja popisa stanovništva, koji će se realizovati od 01.10. do 15.10.2013 godine. Uputstvom Agencije za statistiku BiH su detaljnije data objašnjenja određenih radnji i aktivnosti vezano za popis.

Adem Efendić – obzirom da je u Ilijašu došlo do demografskih i etničkih promjena struktura stanovništva, a znamo da u Zakonu u članu 8. je navedeno da teme koje će se obrađivati ticat će se raseljenih lica pa pitam da li je postojala mogućnost da neko iz te populacije bude član komisije.

Akif Fazlić – obzirom da je u pravilima i zakonu precizno navedeno i za općinu Ilijaš su četiri člana komisije. Po jedan - tri konstitutivna naroda i četvrti ostali, i u svemu tome trebalo je zadovoljiti predstavnika katastra. Zadovoljili smo sve što je zakon tražio. Uskoro će biti raspisan konkurs za prijavu instruktora i popisivača (145 popisivača treba za Ilijaš i 20 instruktora) i kroz ovaj broj komisija će dobiti instrukcije i da zadovoljimo i ovo o čemu je Adem Efendić govorio.

Diskutanata po ovoj tački dnevnog reda više nije bilo, pa je OV-e jednoglasno donijelo

Rješenje o formiranju Popisne komisije općine Ilijaš za popis stanovništva, domaćinstava i stanova u BiH 2013. godine

AD-9

Prijedlog rješenja iz imovinsko-pravne oblasti broj:06/1-31-1082/13 od 27.06.2013. godine

Diskutanata po ovoj tački dnevnog reda nije bilo, pa je OV-e jednoglasno donijelo

Rješenje iz imovinsko-pravne oblasti broj:06/1-31-1082/13 od 27.06.2013. godine

AD-10

Informacija o provođenju Zakona o matičnim knjigama

Diskutanata po ovoj tački dnevnog reda nije bilo, pa je OV-e primil k znanju

Informaciju o provođenju Zakona o matičnim knjigama

AD-11

Informacija o javnom prijevozu na području općine Ilijaš.

Merima Osmanović – ova informacija prikazuje trenutno stanje i problematiku javnog prijevoza na području općine Ilijaš. Općina Ilijaš se obratila nadležnim organima iz oblasti javnog prijevoza u nastojanju da informacija o stanju u oblasti javnog prijevoza bude prezentirana sa aspekta nadležnih zakonodavnih organa.

Na području općine Ilijaš trenutno linijski prijevoz osoba vrše registrovana pravna lica i to: KJKP Gradski saobraćaj i Centrotrans-bus Sarajevo.

Problem javnog prijevoza na području općine Ilijaš izražen je još od 1996.godine. Građani općine Ilijaš su i pored teritorijalne pripadnosti Kantonu Sarajevo uskraćeni za korištenje određenih usluga javnog prijevoza i subvencija cijena prijevoza na način kako to koriste građani ostalih općina kantona. Pored svih pokušaja općine u cilju rješavanja problema javnog prijevoza zahtjevi su ostali neriješeni na nivou Ministarstva saobraćaja Kantona Sarajevo.

U užem dijelu Ilijaša pitanje javnog prijevoza je kvalitetnije riješeno kroz razvijeni međugradski i međunarodni saobraćaj. Ovo područje je pored Centrotransa pokriveno linijama GRAS-a i omogućeno je korištenje kantonalnih subvencija kao i dodatno povlašteno korištenje usluga GRAS-a u samom gradu. Pored subvencioniranja prijevoza penzionerima date su pogodnosti studentima kroz kupovinu karata pod povoljnijim uslovima i za korištenje GRAS-a i Centrotrans-a, dok su ostala neriješena prava ostalih kategorija (demobilisanih boraca, RVI, civilne žrtve rata koji koriste usluge Centrotrans-a, pod istim uslovima kao i ostali pripadnici navedenih kategorija u Kantonu Sarajevo).

Na širem području općine – područnje Srednje, prijevoz je organizovan samo za prijevoz učenika na zadovoljavajući način. Ostaje obaveza rješavanja prijevoza posebno za područja MZ-e Gajevi i Dragoradi.

Akif Fazlić – iz informacije vidite da se prestruktuirati sistem javnog prijevoza u Kantonu Sarajevo. Jedna od tačaka tog prestruktuiranja jeste da će po intencijama Ministarstva saobraćaja Kantona Sarajevo Centrotrans dobiti sve linije za općinu Ilijaš i praktično mi nećemo imati prevoz koji pruža GRAS. Normalno, na takve prijedloge i rješenja koja su poslije štrajka prije nekoliko mjeseci predložena, uložene su žalbe i postupak će dovesti do čega će već dovesti, ali generalno rješavanje pitanja GRAS-a će imati implikacije na javni prijevoz u Ilijašu. To je jedna stvar. Druga stvar, predlažem da donesemo zaključak, a vezano za inicijativu Besima Gljiva, da taj zaključak ide prema Ministarstvu saobraćaja, a ne prema Centrotransu.

Sead Šehić – ovo što je načelnik govorio, predložio bih da se uvede direktna autobuska linija Ilijaš-Stup.

Marioneta Ilić-Jureta – uvesti autobusku liniju u večernjim satima, poslije 22h na relaciji Sarajevo-Kamenica.

Besim Gljiva – da se razumijemo vezano za inicijativu koju sam pokrenuo. Ako je uputimo prema Ministarstvu saobraćaja, od toga nema ništa. Ja sam mislio da se privremeno riješi prevoz za 2-3 mjeseca dok ne počne školska godina, da to ide na način internog sporazuma između Centrotrans-a i općine Ilijaš.

Niko se ovdje ne pita zašto nema gradskog saobraćaja u Ilijašu, a vjerovatno ga ubuduće, ako se bude pitao ministar Bubica, neće ni biti. Mislim da dugo nećemo imati riješeno pitanje prevoza na adekvatan način.

Mahir Dević – predlažem da zaključkom zadužimo nadležnu Općinsku službu da pripremi prijedlog, a koji je vazan za prijedlog kolege Šehića i kolegice Marionete da nadležno kantonalno ministarstvo razmisli o uvođenju dvije nove autobuske linije za prethodno navedene relacije u navedeno vrijeme, kako su ih kolege, dakle i predložile.

kako su navedene kolege predložile.

OV-e je jednoglasno usvojilo navedeni zaključak i primilo k znanju

Informaciju o javnom prijevozu na području općine Ilijaš.

Zatim je zamjenik predsjedavajućeg Mahir Dević zaključio devetu sjednicu OV-a.

Zapisničar:
Maida Habibović, s.r.

PREDSJEDAVAJUĆI
OPĆINSKOG VIJEĆA ILIJAŠ
Damir Filipović, s.r.